

~~Sententia lata per Ducem Mediolani, &  
Senatum Secretum ad fauorem Ol-  
dradi Lampugnani, vt possit diri-  
gare prata sua quilibet dies,  
& hore ex aqua dicti  
fluminis Olonæ.~~



**I**OANNES GALEAZ MARIA SFORTIA  
VICECOMES DVX MEDIOLANI &  
Papia, Anglerięq. Comes, ac Genuæ, & Cre-  
monæ Dominus. Proxima æstate iussimus  
quibuscunque nobiles habentibus quouis  
modo iura, & priuilegia super flumine nostro  
Olonę, vt ea omnia ad Senatum nostrum secretum deferrēt,  
quo varia contentionum genera inter dictos nobiles tolle-  
rentur, & præsertim tempore æstatis ob siccitatem, & inter  
ceteros Generosus Eques Dominus Oldradus Lampugna-  
nus Camerarius noster dilectus, & fratres sui edicto nostro  
parentes iura sua antiquissima ad Senatum nostrum secre-  
tum detulerunt, suppliciter à nobis postulantes, vt intelle-  
cta veritate iurium suorum, quæ super dicto flumine Olo-  
næ pro irrigandis pratis suis habent, eam confirmationem,  
& opportunum priuilegium concedere vellemus, quod iura  
sua postularent, & eorum indemnitati providere, ne ex anti-  
quitate, magnoq; cumulo, & multitudine dictorum iurium  
suorum, vel aliquid deperderetur, vel in iacturam, & detri-  
mentum suum obliuioni mandaretur, vbi coram diuersis  
officialibus, vt fortè accidere posset, tot iura sua hac in re  
eos exhibere, & ostendere debere contingeret, cum priuile-  
gia sua tempore libertatis Mediol. seniori <sup>illu</sup> D. Oldra-  
do, quemadmodum aliàs fides facta extitit; direpta extite-  
rint: Quorum petitione, & precibus consideratis vnà cum  
eorum iuribus per Spectab. Iurisconsultos D. Io. Franciscū  
Malatestam, & D. Augustinum Panigarolam ex Senatoribus  
nostris, de Senatus mandato examinatis ipsis ambobus re-  
ferentibus, cum demum compertum extiterit præfatum D.  
Oldradum

Oldradum, & fratres, tum ex iurium suorum dispositione  
facultatem, beneficiumq; ac commoditatem habere irri-  
gandi prata sua ex aqua Olonæ, tum ex longa consuetudine,  
tum etiam quod tempore Illustrissimi D. PHILIPPI MARIE  
Ducis Mediolani proavi nostri honoratissimi magistri in-  
tratarum extraordinariarum delegati per litteras Excell.  
Suae ad supplicationem Spectab. D. Oldradi senioris scri-  
ptas, debito coram eis agitato processu cum interuentuq;  
syndicorum communis Mediolani, ac Iudicis aquarum nec  
non Vicarij Prouisionum communis ipsius Mediolani habi-  
ta relatione Architecti, siue ingenierij confidentis tunc  
electi, qui super locum dictæ Olonæ fuerat ad ordinand. &  
moderand. Ostia, siue buchellos aquar, quæ debebat extrahi  
ex flumine Olonæ pro irrigatione dictorum pratorum, iudi-  
carunt, & sententiam suam tulerunt, confirmand. dicti inge-  
nierij relationem ad vnguem. Nos ex Senatus nostri iudi-  
cio, ac cum consensu Illustrissimi D. Ludouici patris no-  
stri optimi, duximus eorum precibus, & indemnitati pro-  
uidendum, moremque gerendum esse, sic etiam exigentibus  
eorum fratrum, maiorumque suorum meritis, quæ talia sunt,  
vt longè maiora à nobis promereantur. Nam, vt taceamus  
antiqua merita Spectab. illius D. Oldradi senioris Senatoris  
optimi erga Illustrissimos predecessores nostros, accedit,  
quod is Generosus Eques D. Oldradus iunior à puericia  
vsq; in Curia, & Aula nostra educatus, vt taceamus eius ho-  
nestos, probatosque mores, egregiam indolem, ac in cun-  
ctis mansuetudinem, fidem quoque eximiam, & singularem  
deuotionem, fidelique obsequia erga nos præstita, atque assi-  
duè præstare non desinit. Insuper etiam Nicolaus ipsius  
D. Oldradi iunioris frater pariter Camerarius noster, mo-  
res, & fraterna vestigia imitans, singulari studio, fide, deuo-  
tione, omniq; diligentia in dies operam suam, grataque obse-  
quia totis viribus, & neruis nobis præstare non cessat, neque  
vllum de se officium à nobis desiderari patitur, quæ omnia  
si à nobis diligenter considerentur, profecto merentur, vt  
eorum commodis, & beneficijs libentissimè faueamus itaque  
virtute, & ratione iurium dictorum fratrum, quæ super di-  
cto flumine Olonæ habent, vt supra victorum, & examina-  
torum; Declaramus dictis fratribus pertinere, & spectare,  
ac competere ius, & actionem extrahendi aquam ex flumi-  
ne

ne Olonæ, singulis diebus, & horis pro irrigatione prædiorum, & pratorum suorum iuxta formam modulationum superinde factarum, & ad perpetuam rei memoriam, & ne vlllo vnquam futuro tempore controuersia, nec impedimentum aduersus dictos fratres ea in re fieri, vel excitari possit, ipsorum fratrum iura, prout iacent, comprobantes, & confirmantes declaramus, & decernimus ex certa scientia præfatum D. Oldradū, & fratres in possessione aquæ Olonæ pro irrigandis pratis suis, in qua hætenus fuerunt, seruari, & manuteneri debere absq; aliqua exceptione, contradictione vel molestia à quocunq; inferenda, & pariter sententias ea in re latas prout iacent, vnà cum singulis in eis contentis, & reliqua eorum iura, quemadmodum hætenus seruata, & seruata fuerunt in posterum quoq; seruari debere, ita, vt liberè, & pacificè iuxta solitum, vti, gaudere, & frui possint dicto aquæ Olonæ beneficio pro irrigatione pratorum suorum: Mandantes quibuscunq; officialibus, & præsertim dictæ Olonæ præsentibus, & futuris, & ad quoscunq; spectat, & spectabit quomodolibet in futurum vt has nostras declarationis litteras firmiter seruent, seruariq; faciant, tueanturq; & defendant, prædictos fratres ad possessionem dictæ aquæ Olonæ prout supra dictum est, si gratiam nostram carpendunt; & hoc non obstantibus quibuscunq; contrarium facientibus. In quorum testimonium, præsentibus fieri iussimus, & registari, nostriq; sigilli munimine roborari. Dat. Mediolani die xxij. Nouembris M. CCCC LXXXIIII. Signat. in angulo. Philippus Comitis. & cum sigillo &c. Ducali appenso cordulis sericeis albi, & violacei coloris incluso in capsula ex auricalco, quæ habet in parte anteriori sculpta insignia Ducalia cum his litteris, vtz. GALEAZ MARIA Dux Mediolani sextus.

*Concordat cum originali priuilegio Ducali in carta pergamenâ scripto existente penes subsignatum Secretarium ex ordine Excellentiss. Senatus Mediolani per occasionem obitus Egregiæ D. Lucretiæ Lampugnanae, quo tempore Excellentiss. Senatus mandauit scripturas in eius hæreditate relictas reponi, & penes ipsum Secretarium retineri, donec aliud fuisset ordinatum auditis partibus ius in dicta hæreditate prætendentibus. signab*

Alex. Besutius .

*Placitata cum copia in honore uti in scriptura  
et relictis concordat  
Josephus Puledda sub Anni 1702. et 1703. firmis  
Olone, Cancellarius pro Deo etc.*